

Na Presidente di Parlamento  
Sr. drs. Pauldrick Croes

Aruba, 17 september 2012

**Topico: preguntanan relaciona cu Linear Park**



Respetable Sr. Presidente,

Pa medio di e carta aki mi kier haci un peticion na bo persona pa entrega e siguiente pregunta na Ministernan Oduber y Sevinger, a base di articulo III.17 di nos Constitucion y articulo 59 di e Reglamento di Ordo di Parlamento.

Atentamente,

mr. Xiomara Ruiz-Maduro

## Preguntanan pa Ministernan Oduber y Sevinger

Na luna di september 2012 e proyecto di Linear Park ta cumpli 1 aña cu e proyecto aki ta retrasa. Un proyecto cu a wordo otorga na november 2010, a cuminsa cu su construccion na februari 2011 y mester a wordo ehecuta den 6 luna di tempo pa wordo entrega na september 2011, awe despues di 1 aña ainda no tin fin di keda cla. E proyecto a wordo otorga pa mitar di e prijs cu DOW a calcula, na un compania Venezolano Prosuinca. Na Venezuela e compania aki no a cumpli cu nan trabounan y a wordo suspendi for di e Registro Nacional di Contrastistas. Pa e proximo 3 añanan cuminsando for di 16 februari 2012 nan no ta permiti pa haci ningun trabou na Venezuela. Como resultado awe nos tin un retraso enorme den e proyecto y e calidad di e trabounan ehecuta ta inferior y no ta refaha e nivel 5 strea cu nos kier logra pa nos Pais.

En bista di esaki, mi tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Minister por splica pakiko e proyecto di Linear Park tin 1 aña di retraso?
2. Minister por indica si ta e compania Prosuinca mes ta ehecutando e proyecto ainda?
3. Minister ta na altura cu e compania Prosuinca a wordo suspendi for di e Registro Nacional di Contrastistas na Venezuela pa incumplimento?
4. Ki paso Minister of su departamentonan a tuma pa sigura cu aki na Aruba si Prosuinca ta cumpli cu nan trabounan manera debe ser?
5. Minister por indica pa ki fecha e promer fase di e proyecto di Linear Park lo keda finalisa?
6. Nos por constata cu varios palmanan y otro vegetacion riba e Linear Park ta muriendo. Teniendo na cuenta cu e palmanan cu tin riba e Linear park ta basta costoso, e ta un lastima di mira cu promer cu e proyecto wordo finalisa ya caba nan ta muriendo pa falta di mantencion. Minister por indica ken ta responsabel pa mantene e palmanan y e otro vegetacion riba e parke na e momentonan aki?
7. Minister por indica si e proyecto aki ta conta cu meewerk y Minister por duna un indicacion di cuanto e meewerk aki ta costa?
8. E calidad di e trabounan ehecuta riba e Linear Park ta inferior na locual nos conoce na Aruba y no ta refleha e nivel 5 strea cu Gobierno ta propaga. Minister por asegura nos cu e trabounan ehecuta na e proyecto aki ta conta cu aprobacion di DOW?

Mi ta spera di por ricibi contesta riba e preguntanan aki **por escrito**, mas pronto cu ta posibel.

Atentamente,



mr. Xiomara Ruiz-Maduro  
Parlamentario Fraccion MEP